

रुनिचे वाला खम्मा खम्मा ओ थाने मोकळी

रुनिचे वाला खम्मा खम्मा ओ थाने मोकळी
अजमल जी रा लाला,खम्मा खम्मा ओ थाने मोकळी

अजमल घर अवतार लियो थे
सकळ देवता भारी
थारा परचा बिलकुल साँचा
जाने दुनिया सारी
रुनिचे रा धनिया,खम्मा खम्मा ओ थाने मोकळी

एक सेठ की नाव भंवर में
थांसू अरज लगाई
चौपड़ खेलत ध्यान लगायो
पल में करी सहाई
ध्वजाबंद धारी,खम्मा खम्मा ओ थाने मोकळी

ठाकुर थाने याद कर्यो जद
भाग्या भाग्या आया
सांकळ तोड़ी घोड़ो भेज्यो
ठकुरानी जस गाया
सुगणा रा वीरा,खम्मा खम्मा ओ थाने मोकळी

रुणिचा में मंदिर थारो
महिमा सबसे न्यारी
दया राखियो हरदम बाबा
गुण गावे बनवारी
अजमल जी रा कंवरा,खम्मा खम्मा ओ थाने मोकळी

रुनिचे वाला खम्मा खम्मा ओ थाने मोकळी
अजमल जी रा लाला,खम्मा खम्मा ओ थाने मोकळी

संपर्क - 09831258090

स्वर : [सौरभ मधुकर](#)

<https://alltvads.com/bhajan/lyrics/id/1061/title/runiche-wala-khamma-khamma-o-thane-mokli-with-lyrics-by-Saurabh-Madhukar>

अपने Android मोबाइल पर [BhajanGanga](#) App डाउनलोड करें और भजनों का आनंद ले |